

Broj 3. - Srijeda, 24. februara 1999.

(„Službene novine Kantona Sarajevo“, broj 3/99 Prečišćeni tekst)

Na osnovu člana 37. stav 4. alineja 3. i člana 152. stav 1. Poslovnika Skupštine Kantona Sarajevo („Službene novine Kantona Sarajevo“, br. 7/96, 10/96, 4/97 i 6/97) Zakonodavno - pravna komisija Skupštine Kantona Sarajevo na sjednici održanoj 22.2.1999.godine, utvrdila je prečišćen tekst Odluke o preuzimanju prava osnivača Javne ustanove “Kantonalni zavod za zaštitu kulturno-historijskog i prirodnog naslijeđa, Sarajevo”.

Prečišćeni tekst Odluke o preuzimanju prava osnivača Javne ustanove “Kantonalni zavod za zaštitu kulturno-historijskog i prirodnog naslijeđa, Sarajevo” obuhvata:

1. Odluku o preuzimanju prava osnivača Radne organizacije “Gradski zavod za zaštitu i korišćenje kulturno-historijskog i prirodnog naslijeđa, Sarajevo” (“Službene novine grada Sarajeva”, broj 10/92);
2. Odluku o preuzimanju, izmjenama i dopunama Odluke o preuzimanju prava osnivača Javne ustanove “Gradski zavod za zaštitu i korišćenje kulturno-historijskog i prirodnog naslijeđa, Sarajevo” (“Službene novine Kantona Sarajevo”, broj 11/97);

u kojem je označen dan stupanja na snagu tih odluka.

Broj 01-05-12-5/99
22. februara 1999. godine
Sarajevo

Predsjednik
Zakonodavno-pravne komisije
Avdo Čampara, s. r.

ODLUKA

O PREUZIMANJU PRAVA OSNIVAČA JAVNE USTANOVE “KANTONALNI ZAVOD ZA ZAŠTITU KULTURNO-HISTORIJSKOG I PRIRODNOG NASLIJEĐA, SARAJEVO”

(PREČIŠĆEN TEKST)

Član 1.

Ovom odlukom preuzima se Odluka o preuzimanju prava osnivača Javne ustanove “Gradski zavod za zaštitu i korišćenje kulturno-historijskog i prirodnog naslijeđa, Sarajevo, (“Službene novine grada Sarajeva”, broj 10/92) kao Odluka Kantona Sarajevo.

Član 2.

Kanton Sarajevo preuzima prava osnivača Javne ustanove “Gradski zavod za zaštitu i korišćenje kulturno-historijskog i prirodnog naslijeđa Sarajevo”, koja nastavlja sa radom kao Javna ustanova “Kantonalni zavod za zaštitu kulturno-historijskog i prirodnog naslijeđa, Sarajevo (u daljem tekstu: Zavod) u državnoj svojini.

Član 3.

Naziv Javne ustanove je Kantonalni zavod za zaštitu kulturno-historijskog i prirodnog naslijeđa, Sarajevo (u daljem tekstu: Zavod)

Sjedište Zavoda je u Sarajevu, Kaptol 16.

Član 4.

Zavod ima svojstvo pravnog lica.

Član 5.

Djelatnost Zavoda je:

92.5. Djelatnost biblioteka, arhiva, muzeja i ostalih kulturnih djelatnosti,

92.52. Djelatnost muzeja, zaštita kulturne baštine,

92.52.2. Zaštita kulturne baštine

- očuvanje i rekonstrukcija istorijskih mjesta i zgrada.

Član 6.

Zavod će djelatnost iz člana 5. ove odluke vršiti i za područje onih kantona Federacije Bosne i Hercegovine čiji nadležni organi ga za to ovlaste.

U slučaju iz prethodnog stava međusobna prava, obaveze i odgovornosti urediće se ugovorom između Zavoda i kantona.

Član 7.

Zavod ne može promijeniti djelatnost iz člana 5. ove odluke bez saglasnosti osnivača.

Član 8.

Izvori sredstava za rad Zavoda su:

- sredstva iz budžeta Federacije BiH,
- sredstva osnivača,
- iz naknada za obavljanje intelektualnih i drugih usluga,
- iz legata, poklona, zavještenja i iz drugih izvora.

Član 9.

Vlada Kantona Sarajevo daje saglasnost na pravila, na planove rada i razvoja i godišnji program rada Zavoda.

Član 10.

Pitanja prava i obaveza između osnivača i Zavoda koja nisu regulisana ovom odlukom utvrdiće se ugovorom.

Član 11.

Organ upravljanja u Zavodu je Upravni odbor od pet članova.

Jedna trećina članova Upravnog odbora po pravilu imenuje se iz reda stručnih kadrova zaposlenih u Zavodu.

Predsjednika i članove Upravnog odbora imenuje i razrješava Vlada Kantona Sarajevo.

Član 12.

Organ rukovođenja u Zavodu je direktor.

Direktora Zavoda imenuje Upravni odbor na osnovu konkursa koji se objavljuje u javnim glasilima, uz saglasnost Vlade Kantona Sarajevo.

Direktor Zavoda ne može biti član Upravnog odbora.

Član 13.

Organ kontrole poslovanja u Zavodu je Nadzorni odbor od tri člana.

Predsjednika i članove Nadzornog odbora imenuje i razrješava Vlada Kantona Sarajevo.

Najmanje jedan član Nadzornog odbora imenuje se iz reda stručnih radnika zaposlenih u Zavodu.

Član 14.

Radnici Zavoda ostvaruju prava u skladu sa zakonom, pravilima Zavoda i kolektivnim ugovorom.

Član 15.

Upravni odbor Zavoda uskladiće Pravila, akt o unutrašnjoj organizaciji Zavoda i druga akta u roku od 60 dana od dana stupanja na snagu ove odluke.

Član 16.

Nadzor nad zakonitošću rada Zavoda vrše Ministarstvo kulture i sporta i Ministarstvo prostornog uređenja, stambenih i komunalnih poslova Kantona Sarajevo, svako u okviru svoje nadležnosti.

Član 17.

Javna ustanova "Kantonalni zavod za zaštitu kulturno-historijskog i prirodnog naslijeđa, Sarajevo", obavezna je da u roku od mjesec dana od dana stupanja na snagu ove odluke, podnese prijavu radi upisa ovih promjena u sudski registar koji se vodi kod Kantonalnog suda u Sarajevu.

Član 18.

Za svoje obaveze Zavod odgovara svom svojom imovinom - potpuna odgovornost.

Osnivač Zavoda je supsidijarno odgovoran za obaveze Zavoda.

Na osnovu člana 12. stav 1. tačka c. i člana 18. stav 1. tačka b. Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), člana 6. Zakona o ustanovama ("Službeni list RBiH", broj 6/92, 8/93 i 13/94) i člana 46. stav 3. i 47. Zakona o zaštiti kulturne baštine ("Službene novine Kantona Sarajevo", broj 2/00), Skupština Kantona Sarajevo, na sjednici održanoj 26. septembra 2007. godine, donijela je

ODLUKU

O IZMJENAMA I DOPUNAMA ODLUKE O PREUZIMANJU PRAVA OSNIVAČA JAVNE USTANOVE "KANTONALNI ZAVOD ZA ZAŠTITU KULTURNO-HISTORIJSKOG I PRIRODNOG NASLIJEĐA SARAJEVO"

Član 1.

U članu 3. stav 2. Odluke o preuzimanju prava osnivača Javne ustanove "Kantonalni zavod za zaštitu kulturno-historijskog i prirodnog naslijeđa Sarajevo" ("Službene novine Kantona Sarajevo", broj 3/99-Prečišćeni tekst) riječi: "Kaptol 16.", zamjenjuju se riječima: "Josipa Štadlera broj 32."

Iza stava 2. dodaju se novi st. 3. i 4. koji glase:

"Naziv i sjedište Zavoda iz st. 1. i 2. ovog člana može se promijeniti".

"Odluku o promjeni naziva i sjedišta Zavoda donosi Skupština Kantona Sarajevo (u daljnjem tekstu: Skupština) na prijedlog Vlade Kantona".

Član 2.

Član 5. mijenja se i glasi:

"Član 5.

Djelatnost Zavoda je:

92.5 Djelatnost biblioteka, arhiva, muzeja i ostale kulturne djelatnosti

92.52 Djelatnost muzeja i zaštita historijskih objekata i zgrada

92.522 Zaštita kulturnih dobara, prirodnih i drugih znamenitosti

Ovaj podrazred obuhvata:

- Zaštitu i rekonstrukciju historijskih mjesta i građevina

92.53. Djelatnost botaničkih i zooloških vrtova i drugih prirodnih rezervata

92.530 Djelatnost botaničkih i zooloških vrtova i drugih prirodnih rezervata

Ovaj razred obuhvata:

- Djelatnost botaničkih bašči i zooloških vrtova, uključujući i zoološke vrtove za djecu
- Djelatnost prirodnih rezervata, uključujući i zaštitu života u divljini".

Član 3.

U članu 7. dodaju se novi st. 1. i 2. koji glase:

"Djelatnost Zavoda iz člana 5. ove Odluke može se proširiti ili promijeniti".

"Odluku o proširenju ili promjeni djelatnosti donosi Skupština na prijedlog Vlade Kantona".

Dosadašnji stav 1. postaje stav 3.

Član 4.

U članu 9. iza riječi "pravila" dodaju se riječi: "pravilnik o unutrašnjoj organizaciji i sistematizaciji", a ostali dio teksta ostaje nepromijenjen.

Član 5.

Iza člana 13. dodaje se novi član 13a. koji glasi:

"Član 13a.

Vlada Kantona će razriješiti predsjednika i člana Upravnog odbora, direktora i predsjednika i člana Nadzornog odbora i prije isteka mandata na koji su imenovani u sljedećim slučajevima:

- ako utvrdi da je odgovoran za neuspješan ili nezakonit rad Zavoda,
- ako je Zavod poslovaao sa gubitkom dvije (2) godine uzastopno,
- na njegov lični zahtjev,
- ako Skupština ne usvoji godišnji izvještaj o radu i finansijskom poslovanju Zavoda,
- u drugim slučajevima utvrđenim zakonom i pravilima ustanove.

Procedura usvajanja izvještaja o radu i finansijskom poslovanju ustanove, posljedice mogućeg neusvajanja navedenih akata, kao i postupak i način razrješenja predsjednika i članova upravnog i nadzornog odbora i direktora, precizirat će se Pravilima Zavoda."

Član 6.

U čl. 15. i 17. riječ "ove" briše se, a riječ "odluke" zamjenjuje se riječima: "Odluke o izmjenama i dopunama Odluke o preuzimanju prava osnivača Javne ustanove "Kantonalni zavod za zaštitu kulturno-historijskog i prirodnog naslijeđa Sarajevo".

Član 7.

U članu 16. iza riječi "uređenja", briše se zarez, a riječi: "stambenih i komunalnih poslova", zamjenjuju se riječima: "i zaštite okoliša".

Član 8.

Iza člana 16. dodaje se novi član 16a. koji glasi:

"Član 16a.

Upravni, odnosno nadzorni odbor obavezan je da Ministarstvu kulture i sporta Kantona Sarajevo redovno dostavlja zapisnike sa održanih sjednica upravnog, odnosno nadzornog odbora, a izvještaj o radu godišnje.

Godišnji izvještaj o radu sadrži: izvještaj o izvršenju godišnjeg programa rada, izvještaj o finansijskom poslovanju, izvještaj o radu upravnog odbora i izvještaj o radu nadzornog odbora."

Član 9.

Upravni odbor Zavoda dužan je da u roku od 30 dana od dana stupanja na snagu ove Odluke uskladi Pravila i Pravilnik o radu, unutrašnjoj organizaciji i sistematizaciji radnih mjesta i druge opće akte sa odredbama ove Odluke.

Član 10.

Ovlašćuje se Zakonodavno-pravna komisija Skupštine Kantona Sarajevo da utvrdi prečišćeni tekst Odluke o preuzimanju prava osnivača Javne ustanove "Kantonalni zavod za zaštitu kulturno-historijskog i prirodnog naslijeđa Sarajevo".

Član 11.

Ova Odluka stupa na snagu osmog dana od dana objavljivanja u "Službenim novinama Kantona".

Broj 01-05-24524/07
26. septembra 2007. godine
Sarajevo

Predsjedavajući
Skupštine Kantona Sarajevo
dr. **Denis Zvizdić**, s. r.

Četvrtak, 10. januara 2013.

Na osnovu člana 12. stav 1. tačka c) i člana 18. stav 1. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04), čl. 3. i 6. Zakona o ustanovama ("Službeni list RBiH", br. 6/92, 8/93 i 13/94) i čl. 46. stav 3. i 47. stav 1. Zakona o zaštiti kulturne baštine ("Službene novine Kantona Sarajevo", br. 2/00 i 37/08), Skupština Kantona Sarajevo, na sjednici održanoj dana 27.12.2012. godine, donijela je

ODLUKU

**O IZMJENAMA ODLUKE O PREUZIMANJU PRAVA
OSNIVAČA JAVNE USTANOVE "KANTONALNI
ZAVOD ZA ZAŠTITU KULTURNO-HISTORIJSKOG I
PRIRODNOG NASLIJEDA SARAJEVO"**

Član 1.

Član 5. Odluke o preuzimanju prava osnivača Javne ustanove "Kantonalni zavod za zaštitu kulturno-historijskog i prirodnog naslijeđa Sarajevo" ("Službene novine Kantona Sarajevo", br. 3/99 - Prečišćeni tekst i 31/07), mijenja se i glasi:

"Član 5.

- (1) Djelatnost "Zavoda" je zaštita, konzervacija, prezentacija i rehabilitacija kulturno-historijskih dobara sa utvrđivanjem mjera zaštite, kao i zaštita, očuvanje i unapređenje prirodnih dobara sa mjerama zaštite.
- (2) Djelatnost Zavoda prema klasifikaciji djelatnosti obuhvata:
91.01 Djelatnost biblioteka i arhiva
91.02 Djelatnost muzeja

- 91.03 Rad historijskih mjesta i građevina te sličnih znamenitosti za posjetioce
 - 91.04 Djelatnost botaničkih i zooloških vrtova i prirodnih rezervata
 - 41.20 Gradnja stambenih i nestambenih zgrada
- Ovaj razred također uključuje:
renoviranje i restauriranje historijskih mjesta i građevina

Član 2.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-05-31436/12
27. decembra 2012. godine
Sarajevo

Predsjedavajuća
Skupštine Kantona Sarajevo
Prof. dr. Mirjana Malić, s. r.